

# Uniun de scribents romontschs : 1953/54

Autor(en): **Maissen, Alfons**

Objekttyp: **Article**

Zeitschrift: **Annalas da la Societad Retorumantscha**

Band (Jahr): **68 (1954-1955)**

PDF erstellt am: **17.07.2024**

Persistenter Link: <https://doi.org/10.5169/seals-221563>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

---

---

# Rapports

## Uniun de scribents romontschs

1953/54

In cuort rapport dil curriu e passau ell' Uniun de scribents romontschs duront ils dus davos onns seigi cheu lubius. Ei vegn surtut a settractar de far resortir igl essenzial d' enzacontas etapas el combat per contonscher meglieras condiziuns finanzialas per nos poets e scribents.

Secapescha ei quella lutga vegnida instradada senza risguard a eventuals cloms d' agid enviars l' Uniun de scribents svizzers, alla quala nus essan affiliai dapi enzaconts onns. Ella ha sias atgnas travaglias per scampentar sia atgna situaziun. Sco detg: igl agid da lezza vart ha directa lingia via USSR e buca influenza sils pass ch' ella fa en casa romontscha per meglierar sia posiziun finanziaria e spirtala. Arguments che lain percorscher l' idea ch' ils scribents romontschs astgassien buca star meglier ch' ils de lungatg tudestg ein buc admissibels. Stoi ira mal cun in perquei che tschel ei sils fiars? Cuntrari, mo fermezia vicendeivla gida sur ils scarpetschs o. Ils scribents ston buc a tut prezi engaldir per scaffir e producir!

L' USSR stat e combatta sin sulom diltuttafatg agen. Sia influenza serestrenscha mo sigl intschess romontsch senza autras grondas naziuns de medem lungatg e cultura el dies. Ils Romontschs ein scatschai sco il camutsch ellas altezias en defensiuin. Ina loscha existencia sedefenda, ina nobla selvaschina d' atgna urdadira e tempru. Dacheu hanau combat general per buca piri en nossas valladas solitarias. D' ina vart la gronda influenza ja-

stra che bumbarda e martiala sin pign territori, da l' autra il prighel de stenscher e turrir vi ella steppadad de nies stretg claus. Perquei acziun e veta litteraria, moviment cultural liber ed aviarts senza remischun. Mo in frestg vent de nos cuolms po mantener nus empei. El astga denton senza schanetg prender sin sia ferma ala enqual scutinond suffel che sgulatscha sura la palera de confin neuaden.

Il poet e scribent romontsch gauda ina posiziun tut aparti privilegiada ed interessanta, perquei ton pli gronda sia responsabladad. Sia entira lavur vala ad in pievel che viva e pitescha cun el. Igl ei in ravugl d' atgna tempru, cun agen inschign e patratg original e vigurus che resta cun e denter nus. Vivonda ed evernonda litteraria stat enteifer nies confin, sederscha buc en mal-munda sterpa sur nos pursepens ora. Cul romontsch e sia litteratura ha il bien scribent tut siu pievel. El sto, scrivend, pater-tgar a siu pievel enconuschents ad el; mo en translaziuns sa el purtar siu patratg viado el mund pli grond. Il ver scribent sto quintar cun siu lectur ed astga s' adaptar senza prighel de concessiuns a siu intern ed a siu art. Dils mediochers lein nus buca tschintschar! Mo cun oreifras ovras originalas vegnan las nauschas influenzas de tien jester che nossa bilinguitad carmala mo memia bugen scungiradas.

Surtut l' ustonza de buna litteratura scampenta las petgas balluontas de segira marschauna de nies baghetg romontsch.

Las incumbensas lunschenbratschontas de nossa Uniun vegnan savens grevas entras il prenci-inimitg dell' indifferentadad. Instrucziun, educaziun ston esser ils novs cagls enferlonts de nossas plontas vegnidas braccas e caduccas.

En tals ed auters patratgs ei nossa Uniun s' occupada dapi enzaconts onns. Ella ei vegnida alla conclusiun che era ad ella audi agid material sco allas scolettas ed als dicziunaris. Ils temps ein oz semidai totalmein. Las relaziuns pretendan ch' il scribent vegni remuneraus silmeins minimalmein per sia buna lavur. Pia sche l' USSR vul promover la buna produenziun sto 'la senza star sin bien funs e buca sin aultas stieulzas de falomber stgein. Pér lu sa 'la tonscher cun success sut bratsch al scribent che ha ina buna idea, in bien plan. Ins astga buc emblidar che tut quella lavur preparonta gia caschuna spesas e decuraschescha ils menaders

litterars. Menaders spirtals miez sdernai de scumbegls materials daventan stracs d' idea e de voluntad. Straccadad de patratg e d' energia davart nos megliers elements, stuess metter a frusta nossa litteratura, la pli buna vivonda spirtala de nies pievel.

La giuvna organisaziun, carschida igl emprem en gronds catschs, survegn plaun a plaun ina retenida. Da sutensi entschavv' il zercl'em a stinschentar il frestg cagl davidavon, prighels caschunai entras atgna ed autrui negligentscha e nuncapientscha!

Ina de quellas nuncunvegnientschas era, ch' il scribent en allarm sedrizzava buca alla Uniun de scribents per agid e cussegl, scoi steva scret ner sin alv els statuts. Perquei in cert malesser ella suprastonza che steva pamfili siper arcuns vids e senza suatientscha davart ils agens commembers. Gie perfin suprastonts eran necessitai de prender refugì alla LR per agid finanziel, schegie beinduras scars e vessamein concedius per lavur prestada.

Cunzun dapi ch' il secretariat ei vegnius baghegiaus ora, vein nus fatg stem de quella via pauc legrevla. Il secretariat stueva haver lavur. Ina part de quella consisteva ella lectura d' ovras e manuscrets stgis per la publicaziun. Quei ei in duer della LR. Il disavantatg denton era ch' ella saveva cumpartgir sin fundament de giudicats ina summa ualti uniforma a tgi che spluntava. Mo tuttina leva era en quella moda la »lavur« dil scribent buca vegnir considerada. Ei setractava de contribuziuns als cuosts della stampa, per embellir in cudisch etc. Quei vegn la LR era dacheudenvi a far cun grond consentiment de tuts, ferton che l' USR vul mai daventar Uniun editura. Quei vess gie dumandau in tut auter traffic cun secretari ed emploi. Ei pareva e valeva per caussa clara che la LR detti o cudischs screts bein da nos scribents, mo nuncapientscha per nossa situaziun leva far dell' USR in' uniun sentimentala che vess gnanc ina gada per onn, alla radunonza generala, il dretg de tschintschar sur la miglior de nossas finanzas. Daco vess quei buca dui esser beinfatg e lubiu — vesend che las radunonzas generalas dell' Uniun svizzera de scribents s' occupava mintgamai en lur radunonzas generalas e cunzun ellas sesidas de suprastonza cun las finanzas, co segidar cun ils commembers e co promover publicaziuns e vendita. Exista buca dapertut il medem combat el ravugl de nossas uniuns culturalas! Pia a nossas

radunonzas las finanzas, las normas, igl uorden, ferton che las liungas seras d' unviern paran adattadas per fugir de tut pesont, per metter a scret ils sentiments dil cor e las ideas digl intelletg.

Per scungirar quei pesont derschalet serimna la suprastanza cun enzaconts buns amitgs igl emprem de november 1953 a Scuol. Sebasond alla burasclusa radunonza generala dils 21 de zercladur 1952 a Zuoz, che veva surdau al parsura de contrahar culla Ligia Romontscha, emprova la nova raspada a Scuol de concretisar ils giavischs alla adressa della LR. Quella memorabla ed animada e tuttina plascheivla sesida vala per ina dellas pli impurtontas per la reorganisaziun dell' USSR (mira detagls e documents ellas: *Novas litterarias*, organ dell' Uniun de scribents romontschs, 1954, nr. 11). Nus schein suandar sulettamein ils pugns de conclus dal protocol de Jon Semadeni:

»La richa ed animada discussiun madüret las seguaintas propostas chi vegnan sustgnüdas chodamaing da tuots preschaints.

1. La suprastanza da l'USSR dess gnir slargiada da trais sün tschinch commembers.
2. L'artichel quatter des gnir müdà in möd ch'el oblaja als commemblers da 's volver in tuottas dumandas in prüma lingia a l'USSR.
3. Ils commembers da la suprastanza dessan fuormar in lur cuntradavuvogls da lavur.
4. Güdics sur d'oubras litteraras dessen gnir dats da duos persunas. Üna da quellas dess appartgnair a l'idiom da l'ouvra inoltrada.
5. Il president da l'URS dess esser commember da la suprastanza da la Lia Rumantscha.
6. Per gnir incunter als bsögns ed a l'importanza da l'USSR in sia mischiun e lavur per il mantegniamaint da lingua e cultura rumantscha, sto ella avair almain frs. 15 000.— a disposiziun.
7. L'USSR giavüscha da pudair delegar ün commember illa suprastanza da la Società da scripturs svizzra.«

Per esser gests enviars la LR alleghein nus ch'ella hagi a siu temps dau trief (ils 28. 1. 1948) ad in extendiu plan presentaus dall' USSR ils 2. 12. 1947. Gia lu vegn formada ina gronda commissiun litteraria che saveva cumpartgir in singul premi de

500 frs. per fetg bunas lavurs, 250 frs. per bunas e donaziuns pli pintgas per renconuscher ed encuraschar giuvens auturs. Mo la commissiun cala plaun a plaun de funzionar per munconza de lavur. La Ligia era pli liberala, l'USR veva ils mauns vids. Ulteriurs motivs per quella digren lein nus buca analisar cheu pli manedlamein. La commissiun miera ed ils premis della LR vegnan distribui senza l'USR, mo scarsamein e — sco sura mencionau — per facilitar ediziunettas.

Cun ina brev dils 12. 1. 1952 annunzia signur St. Loringett, parsura della LR, igl alzament dil subsidi annual da 300 a 500 frs. Plinavon empermetta la LR in criedi de 1 000 frs. per ina prestaziun extraordinaria; mo las condiziuns accumpignontas ruchegia-van ils 1 000 frs. gia dall'entschatta enneu viado ella stratosfera lontana.

Mo nus returnein als conclus de Scuol ed alla ferma veglia de reussir, prendend contact cul parsura della LR. Quel metta nies carr de giavischs sin via empau pli carrabla. Mo senza vegnir a frida de radunar a Cuera omisduas suprastonzas s'avischina la radunonza generala a Trun dils 14 e 15 de november 1953.

Las propostas de Scuol sura screttas vegnan acceptadas a Trun unanimamein. La suprastonza che vegn alzada a 5 dels per dar peisa pli gronda ad ina uniun che cumpeglia tuts ils intschess (da niev: giuvna Aita Stricker e dr. Gion Deplazes), vegn incarri-cada de seradunar culla suprastonza della LR per sustener e discutar ils pugns della resoluziun suandonta, prida unanimamein a Trun:

- »1. La litteratura romontscha ha tochen ussa buc anflau la dueivla atenziun ed il sustegn material cumparegliau cun sia impurtonza el moviment della renaschientscha e defensesiun romontscha. Ella duei dacheudenvi vegnir risguardada tenor sia gronda impurtonza. Ella duei anflar la medema atenziun sco la filologia e scoletta.
2. Per quei intent giavischan ils scribents instantamein ina representanza ella suprastonza della LR.
3. Per satisfar als basegns ed all'impurtonza dell'USR en sia misiun e lavur per il manteniment de lungatg e cultura romontscha sto ella haver silmeins 15 000 frs. a sia disposiziun.
4. La suprastonza della USR vegn incarri-cada de far ils pass necessaris en quei senn aunc avon la radunonza generala della Ligia Romontscha 1954.«

Questa resoluziun ha fatg surstar ils organs della Ligia Romontscha buca pauc. La reacziun dil parsura della LR el rapport digl onn 1953 ha buca fatg surstar meins ils scribents. Pugn per pugn della resoluziun eran bein ponderai ed explicaziuns pli detagliadas eran resalvadas per l'entuppada dellas duas suprastonzas, dalla quala eran admess sco cussegladers della USR dr. Donat Cadruvi e Cla Biert.

Per sfugentar malentelgientschas e divergenzas ei il contract frontal bein il pli adattau. Finalmein arriva quella occasiun ils 27 de schaner 1954 ella saletta dil Retushof a Cuera. Quella radunonza communabla dellas suprastonzas della LR e dell'USR cuoza 4 uras e fa buna lavur. Cun consentiment de ses suprastonts, metta St. Loringett en vesta all'USR ina summa annuala de 3 000.— frs. per remunerar la lavur de buns scribents. Naturalmein sto in regulativ ordinar il traffic de daners denter las duas uniuns. Mo il grond niev ei che l'USR sa eleger libramein ina commissiun litteraria de 5 persunas. Per quella e sias deliberaziuns e giudicats metta la LR 500.— frs. a disposiziun.

Ils 28 de mars 1954 ha giu liug la radunonza della Ligia Romontscha. Nies postulat figurescha buca ella gliesta de tractandas, mo igl ei segir che la causa vegn tractada e decidida. Ina nunspetgada viulta alla assemblea dat gia all'entschatta in votum da dr. Gian Caduff: »Examen de cunziencia« che sustegn independentamein e ferventamein la causa dils scribents romontschs cun argumentaziuns bein formuladas e bein ponderadas. Igl ei interessant de veser silsunter co tuts ils votants han mo buns plaids per ils scribents e lur lavurs. Ei dat lu ca bia de far per acceptar unanimamein quei ch'era postulau ils 27 de schaner el Retushof. Schegie che buca tuts ils giavischs han saviu vegnir risguardai gia oz, ein ins da tuttas varts perschuidius che la »lavur« dils scribents stoppi vegnir remunerada. Ina buna causa ei, che la LR vul gidar a promover l'ediziun de bunas ovras litterarias.

En entelgientscha cun signur Loringett ei in regulativ vegnius redegius e suttascrets dad omisduas suprastonzas. Quel va en vigur cull'entschatta digl onn 1954. El cumpeglia igl uorden che duei reger denter commissiun de presidi e las relaziuns culla LR. (mira Novas Litterarias 1954, nr. 11, text cumplet).

Cun buna curascha astgan ils scribents serender ussa alla radunonza generala dell'USR che ha liug ils 25/26 de settember 1954 a Zuoz. La sonda sera vegn embellida cun ina representaziun della Culissa. Cun siu niev toc cabarettistic: La travaglia dal dr. Panaglia, dattan ils acturs perdetga de lur activitad e savida. Igl ei il bi fretg della lavur sistematica d' in decenni.

La dumengia damaun ein las tractandas della radunonza generala dell'USR el hotel Concordia beingleiti stadas finidas. Gion Duno Simeon, inspectur, Lantsch e Sur dr. A. Wihler, Zuoz, vaglia. Ils suandonts signurs ein immediat semess a disposiziun per quei uffeci: Cla Biert, scol. sec., Zuoz, dr. Leonard Caduff, Friburg, dr. Gion Deplazes, Cuera, Ser dr. J. U. Gaudenz, Zernez, L'USR astga esser loscha d'haver ina schi oreifra commissiun litteraria che representa bein nos intschess e che dat caparra per perfetga objectividad e loialitad e capientscha. Da quella e de siu cau dependa bia.

Alla radunonza generala a Zuoz ha il parsura demissionau. En siu stagl elegia la raspada signur scolast secundar Jon Semadeni per siu niev president. Semadeni era gia vidavon ella suprazonza sco actuar e bein cudischius els fatgs e problems dell'USR. Niev suprastont daventa unanimamein signur scol. sec. Vic Hendry, Sedrun.

Ina manifestaziun tut speciala ei stada uonn la radunonza generala dell'Uniun svizzera de scribents a Lützelflüh. Per ils 100 onns della mort dil grond scribent bernese Jeremias Gotthelf eran numerus delegai compari, per la USR il parsura Alfons Maisen e Jon Semadeni, actuar. Mo era Tista Murk, Gion Deplazes, Andri Peer, Selina Chönz, St. Loringett e Otto Spinass han buca schau pil pauc de comparer sin territori bernese, el liug de pastozaziun de Jeremias Gotthelf. Tista Murk, anteriur parsura dell'USR ha giu l'honor de plidar per romontsch ella baselgia de Lützelflüh en honor dil grond scribent bernese. Selina Chönz, Gion Deplazes e Andri Peer ein dal reminent vegni recepi sco novs commembers dell'Uniun svizzera de scribents. Oz astgein nus selegrar d'haver in tozzel scribents romontschs el ravugl svizzer.

Mo aunc pli legreivel ei il fatg che nossa Uniun de scripturs romontschs dumbra oz 37 commembers fidai ed units en lur stentas ed aultas miras. In grond sustegn moral representan ils com-



members simpatisonts, il qual diember astgass crescher cun grond profit dell' USSR. Nus lein buca far cunmeins che de numnar alla fin de nies excuors ils commembers novs entrai en nossa Uniun a Trun, ils 14 de november 1953:

Dr. Donat Cadruvi, Cuera  
Dr. Jon Pult, Cuera  
Dr. Augustin Maissen, USA  
Dr. Peter Barblan, Turitg  
Giuvna Imelda Monn, Mustér  
Ludivic Hendry, Sedrun  
Alfons Vinzens, Trun  
Victor Stupan, Landquart

Il parsura: Alfons Maissen